



Inatsisartut suleriaasiat § 37 malillugu, immikkoortoq 1 naapertorlugu matumuuna Naalakkersuisunut apeqquq imaattoq saqqummiuppara:

Naalakkersuisunut apeqqutit:

- 1. Avaleraasartooriarnissamut aalisariutit kalaallinit pigineqartut qassit akuerineqarpat? Aamma aalisariutit kalaallinit pigineqartut qassit itigartinneqarpat? Kiisalu aalisariutit nunani allaneersut qassit akuerineqarpat? Aamma qassit itigartinneqarpat ?**
- 2. Sooq avaleraasartuuni pisassat 30.000 tons aalisariutinut nunani allaneersunut pisarisassanngortinneqarsimappat, aalisariutillu nunatsinneersut ilai itigartinneqarlutik?**
- 3. Namminersorlutik Oqartussat nalunaarutaat nr. 9, 17. juli 2014-imeersup § 11-mi piumasaqaatinut tunngatillugu angallatit angissusaannut tunngasut qanoq killilerneqarsimappat?**

(Inatsisartunut Ilaasortaq Anthon Frederiksen, Partii Naleraq)

Tunngavilersuut:

Tamanit ilisimaneqalereesutut avaleraasartooriarnissamut qinnuteqarnissamut periarfissaq Naalakkersuisunit kinguartinneqarnikuuvoq. Partii Naleqqamiit ilisimatinneqarnerput naapertorlugu qinnuteqartut nunatsinneersut ilaatigut Januar-imili qinnuteqaateqarsimapput, tamakku ilaat itigartinneqarsimasoq paasissutissiivoq, itigartitsilluni allakkiaq danskisuinnaq allagaq atsiorneqanngitsorluunniit tigusimagini.

Itigartitsinerup kingunerisaanik sulisussaagaluit 65-it annaaneqarput, akileraarutitigut akitsuutitigullu Landskarsimut isertitassaagaluit minnerpaamik 20 mio. kr-init annaaneqartussanngussapput.

Taamaattumik itigartitsinermut tunngavilersuutit aamma teknikkikkut angallatinut piumasaqaatit ersarissumik paaserusuppavut.

Ullut suliffiit qulit qaangiutinnginnerani akineqarnissara kissaatigaara.